

Bangala - Molimo Mosantu Buku na Nzambe - Holy Spirit Scriptures

Kobima 35:31 Asili kotondisa ye na Molimo na Nzambe mpo azala na mayele ya koyeba mpe mayele ya misala nyoso:

Kotanga 11:25 Nkolo akitaki na kati ya lipata mpe asololi na Moize. Akamati ndambo ya molimo oyo azalaki likolo na Moize, mpe atiaki yango likolo na bakumba wana ntuku nsambo. Ntango kaka molimo akumaki likolo na bango, babandi kosolola lokola nebi, kasi nsima basalaki bongo lisusu te.

1 Samuele 10:6 Molimo ya Nkolo akokitela yo, okobanda kosakola elongo na batu wana, boye okobongwana motu mosusu.

2 Samuele 23:2 Molimo ya Nkolo apesaki ngai mayele ya koloba; maloba na ye ezalaki na monoko na ngai.

Yobo 33:4 Najalisamaki na molimo ya Nzambe; pema na ye nde epesaki ngai bomoi.

Isaya 11:2 Molimo ya Nkolo akozala likolo na ye: molimo ya mayele mpe ya koyeba makambo, molimo oyo apesaka toli mpe makasi ya bitumba; molimo ya koyeba nyoso mpe ya kotosa Nkolo.

Mika 3:8 Nzokande ngai nazali na makasi. Nkolo apesi ngai Molimo na ye. Natondi na bosembo mpe na mpiko, nazali koyebisa polele ndenge batu ya Yakobo bazali kotomboka mpe Israele azali kosala masumu.

Zekaria 4:6 Bongo ye ayebisi ngai maloba oyo Nkolo ya nguya nyoso alobi mpo na Zerubabela: "Okosala mosala na yo na makasi ya basoda te to na makasi na yo moko te, kasi bobele na nguya ya Molimo na ngai."

Matayo 12:28 Ya solo, mpo nazali kobengana milimo mabe na nguya na Molimo na Nzambe, oyo etalisi ete Bokonzi na Nzambe esili kokuma epai na bino.

Matayo 28:19 Bongo bokende epai na batu na mitinda nyoso mpe bosala na bango bayekoli na ngai. Bobatisa bango na nkombo na Tata, na Mwana, mpe na Molimo Mosantu,

Mako 1:10 Ntango Yesu azalaki kobima na mai, ye amonaki lora kofungolama mpe Molimo Mosantu kokita likolo na ye lokola ndeke mamu.

Mako 13:11 Ntango bakokanga bino mpo na kokamba bino liboso na tribinale, botungisa mitema te mpo na kokanisa soki bokoloba nini. Kasi na ntango yango, boloba bobele maloba nini ekokuma epai na bino. Mpo maloba yango ekouta na bino te, kasi ekouta na Molimo Mosantu.

Luka 2:26 mpe Molimo ayebisaki ye ete akokufa te liboso na komona Kristo, motu Mokonzi atindi.

Luka 4:1 Yesu kotonda na Molimo Mosantu, alongwaki na ebale Yordani mpe Molimo akambaki ye kati na esobe.

Luka 4:18-21 "Molimo na Mokonzi azali likolo na ngai, Ye asili kopona ngai

mpo na komema Nsango Malamu epai na bamosikini, Ye asili kotinda ngai na kosakola kofungolama epai na batu na boloko, Mpe na kofungola miso na bakufeli miso Mpe kobikisa batu oyo bazali kozwa konyokola, 19 Na kosakola mbula oyo Nzambe akotalisa ngolu na ye." 20 Nsima yango Yesu akangaki Buku, azongisaki yango epai na mosali mpe afandaki. Batu nyoso kati na ndako na losambo batalaki ye na miso makasi. 21 Ye abandaki koloba na bango: "Lelo liloba oyo na Buku esili kokokana nyoso na ntango oyo."

Luka 12:11,12 "Ntango bakokamba bino kati na ndako na losambo na Bayuda mpo na kosambisa bino, soki liboso na bakambi, soki liboso na bakonzi, bobanga te ete bokosamba ndenge nini to na maloba nini, 12 mpo Molimo Mosantu nde akolakisa bino na ntango yango likambo oyo esengeli boloba."

Yoane 7:38,39 'Motu na kondima ngai, bibale na mai ya bomoi ekobima na motema na ye,' lokola Buku na Nzambe elobi." 39 (Yesu azalaki koloba likambo na Molimo Mosantu oyo batu na kondima ye bakozwa. Na ntango yango Nzambe asili kotinda Molimo Mosantu naino te mpo Yesu asili kozwa nkembo na ye naino te.)

Yoane 14:16,17 Nakosenga epai na Tata na kopesa bino Mosungi mosusu, bobele Molimo ya solo mpo ete azala elongo na bino libela. 17 Mokili ekoki koyamba ye te mpo mokili ekoki komona ye te, to koyeba ye te. Kasi bino, boyebi ye mpo ete ye afandi elongo na bino mpe azali kati na motema na bino.

Yoane 14:26 Motu oyo na kosunga bino azali bobele Molimo Mosantu oyo Tata akotinda na nkombo na ngai, ye nde akolakisa bino mpe akokanisela bino makambo nyoso nasili koloba na bino.

Yoane 16:7,8 Kasi nalobi na bino likambo ya solo: ezali malamu mpo na bino soki nakei, mpo soki nakei te, Mosungi na bino akokuma te. Kasi soki nakei, nakotinda ye epai na bino. 8 Mpe mokolo ye akokuma, akotalisa batu na mokili ete bazali komikosa na ntina na masumu, na ntina na likambo na bosembo, mpe na ntina na bosambisi na Nzambe.

Yoane 16:13-15 Ntango Molimo ya solo akokuma, akokamba bino kati na makambo ya solo. Akoloba na bokonzi na ye moko te, kasi akoloba makambo nyoso akoyoka, mpe akoloba na bino makambo oyo ekoya. 14 Akopesa ngai nkembo, mpo akozwa makambo oyo ezali na ngai, mpe akoloba na bino. 15 Biloko nyoso oyo Tata azali na yango ezali na ngai. Mpo na oyo nalobaki ete Molimo akozwa makambo na ngai, mpe akoloba na bino."

Yoane 20:21,22 Yesu alobaki na bango lisusu: "Kimia ezala na bino. Lokola Tata atindaki ngai, ngai lokola natindi bino." 22 Nsima na koloba boye, abimisaki pema likolo na bango mpe alobaki na bango: "Bozwa Molimo

Mosantu.

Misala Bantoma 1:2,5,8 kino mokolo ye azongaki na lora. Liboso na komata na lora, ye alakisaki mpo na nguya ya Molimo Mosantu, epai na batu ye aponaki lokola bantoma. 5 Yoane abatisaki na mai, kasi nsima na mwa mikolo moke, bokozwa batisimo ya Molimo Mosantu." 8 Kasi bino bokozwa bokasi ntango Molimo Mosantu akokita likolo na bino. Bongo bokozala batatoli na ngai mpo na kotatola na ntina na ngai na vile Yerusalem, na provese ya Yudaya mpe na Samaria kino nsuka na mokili."

Misala Bantoma 2:1-4 Ntango mokolo na ntuku mitano esili kokuma, bandimi nyoso bayanganaki na esika moko. 2 Mbala moko, kelele ebimaki na lora koyokana lokola kelele na mopepe makasi, mpe etondisaki ndako mobimba esika bafandaki. 3 Bongo bamonaki kopela ya moto, kobima kopanzana kati na bango, mpe kofanda likolo na mutu na bango moko na moko. 4 Bango nyoso batondaki na Molimo Mosantu, mpe babandaki kosolola na lokota ndenge na ndenge lokola Molimo Mosantu apesaki bango nguya na kosolola.

Misala Bantoma 2:17-19 Nzambe alobi: 'Tala likambo oyo ekokuma na mikolo na nsuka, Nakosopa Molimo na ngai likolo na batu nyoso. Bana babali na bino mpe bana basi na bino bakosakola makambo oyo ezali koya ndele. Bilenge babali na bino bakomona makambo lokola ndoto Mpe bampaka na bino bakolota ndoto. 18 Boye, na mikolo yango nakosopa Molimo na ngai likolo na basali babali mpe basali basi na ngai. bango bakosakola makambo ya ndele. 19 Nakosala bikamwiseli mingi kuna na likolo epai na lora Mpe bilembo na nse awa na mokili: Makila, mioto mpe mapata na molinga ekozala, (Joel 2:28,29)

Misala Bantoma 2:33 Nzambe asili komatisa Yesu na likolo epai na loboko drwati na ye, mpe Yesu asili kozwa na maboko na Tata, Molimo Mosantu oyo Nzambe alakaki. Ye asili kosopa Molimo yango likolo na biso. Oyo ezali likambo oyo bozali komona mpe koyoka sik'oyo.

Misala Bantoma 2:38 Petero ayanolaki bango: "Bobongola motema mpe motu na motu azwa batisimo na nkombo na Yesu Kristo, mpo Nzambe alimbisa masumu na bino. Bongo bokozwa likabo na Nzambe, bobele Molimo Mosantu.

Misala Bantoma 4:31 Ntango basilisaki kobondela, esika bayanganaki na yango eninganaki. Bango nyoso batondaki na Molimo Mosantu, mpe babandaki kosakola maloba na Nzambe na kobanga te.

Misala Bantoma 8:15-17 Ntango bantoma mibale bakumaki na Samaria, babondelaki mpo na bandimi mpo bazwa Molimo Mosantu. 16 Mpamba te Molimo Mosantu asili kokita likolo na moko na bango te. Basili kozwa bobele batisimo na nkombo na Mokonzi Yesu. 17 Bongo Petero mpe Yoane batiaki maboko likolo na bango, mpe batu yango bazwaki Molimo Mosantu.

**Misala Bantoma 8:39 Ntango babimaki na mai, Molimo na Mokonzi alongolaki
Filipo. Motu yango amonaki ye lisusu te, kasi ye alandaki nzela na ye na
esengo nyoso. (1 Bakonzi 18:12)**

**Misala Bantoma 9:31 Bongo lingomba ezalaki na kimia na baprovese na
Yudaya, na Galilaya mpe na Samaria, lingomba ezalaki kokuma makasi
mpe ezalaki na kobanga na Mokonzi, motuya na bandimi emataki na likolo
mingi mpo na lisungi na Molimo Mosantu.**

**Misala Bantoma 10:44,45 Ntango Petero azalaki naino koloba, Molimo
Mosantu akitaki na likolo na batu nyoso na koyoka liloba na ye. 45
Bandimi Bayuda oyo bakumaki elongo na Petero bakamwaki mingi mpo na
komona Molimo Mosantu oyo Nzambe apesaki, kosopana lokola likolo na
batu oyo bazalaki Bapaya, Bayuda te.**

**Misala Bantoma 11:15 Ntango nabandaki kosolola, Molimo Mosantu akitaki
likolo na bango, ndenge moko lokola ye asalaki epai na biso na ebandeli.**

**Misala Bantoma 13:52 Kasi bayekoli na Antiokia batondaki na esengo mpe na
Molimo Mosantu.**

**Misala Bantoma 19:6 Paulo atiaki maboko likolo na bango mpe Molimo
Mosantu akumaki likolo na bango, babandaki kosolola lokota ndenge na
ndenge kosakola litatoli oyo bazwaki na Nzambe.**

**Misala Bantoma 20:23 Nayebi bobele kati na vile moko na moko, Molimo
Mosantu azali koyebisa ngai ete boloko mpe mpasi ezali kozela ngai.**

**Baroma 5:5 Elikia oyo eyokisaka biso nsoni te, Nzambe asopaki bolingo na ye
kati na mitema na biso, mpo na Molimo Mosantu ye apesaki na biso.**

**Baroma 8:9 Kasi bino, bozali kolanda makambo na nzoto te, kasi bozali
kolanda makambo na Molimo, mpo Molimo na Nzambe azali kofanda kati
na bino. Motu oyo azali na Molimo na Kristo te, azali motu na Kristo te.**

**Baroma 8:13-16 Mpamba te soki bozali kotambola nsima na nzoto, bokokuwa.
Kasi soki kati na Molimo, bobomi makambo na nzoto, bokobika. 14 Batu
nyoso oyo Molimo na Nzambe azali kotambolisa bango, bazali bana na
Nzambe. 15 Mpo Molimo oyo bozwaki azali Molimo na kotia bino baumbu
te mpe azali kotondisa lisusu bino na kobanga te, kasi azali Molimo oyo
azali kobongwa bino kokuma bana na Nzambe, mpe azali kopesa biso
ndingisa na konganga epai na Nzambe "Aba," elingi koloba "Tata na ngai!"
16 Molimo na Nzambe mpenza azali koyebisa epai na molimo na biso ete
tozali bana na Nzambe.**

**Baroma 8:26 Bobele boye, Molimo asungaka biso batu petepete. Mpo toyebi
kobondela te lokola ekokani, kasi Molimo mpenza abondelaka Nzambe
mpo na biso na kolela ndenge oyo bakoki kotalisa yango na maloba te.**

**Baroma 15:13 Ekoki Nzambe oyo apesaka elikia atondisa bino na esengo
mpe na kimia malamu mpo na kondima oyo bozali na yango kati na ye, ete
bozala na elikia mingi kati na nguya na Molimo Mosantu.**

Baroma 15:19 mpo na nguya na bilembo mpe bikamwiseli mpe mpo na nguya na Molimo. Mpo na oyo nasakolaki mobimba Nsango Malamu na Yesu Kristo na bokasi na ngai, kokende bipai nyoso uta na Yerusalem kino na mokili na Iliriko.

1 Bakorinto 2:10-13 Ezalaki epai na biso nde Nzambe amonisaki likambo oyo esili kobombama kati na Molimo Mosantu na ye. Boye Molimo akoki koluka ntina na makambo nyoso bobele nzela na Nzambe oyo batu bakoki koyeba te. 11 Mpo na motu, bobele molimo oyo ezali kati na ye nde eyebi makambo na ye. Mpo na Nzambe ezali boye, bobele Molimo na Nzambe nde ayebi makambo na Nzambe. 12 Bisozwaki molimo na mokili oyo te. Kasi tozwaki Molimo oyo auti epai na Nzambe mpo ete toyeba makambo nyoso oyo Nzambe apesaki biso. 13 Tozali koloba makambo yango na maloba oyo mayele na batu ezali kolakisa te, kasi na maloba oyo Molimo azali kolakisa. Mpo na oyo tozali kolimbola makambo ya solo na Molimo epai na batu oyo bazali na Molimo. 16 Boyebi solo ete bozali ndako na Nzambe mpe Molimo na Nzambe azali kofanda kati na bino.

1 Bakorinto 6:11 Batu mosusu kati na bino bazalaki boye. Kasi bosili kozwa kopetola na masumu, bosili kokuma godi mpo na kozala batu na Nzambe, bosili kokuma sembo liboso na Nzambe na nkombo na Mokonzi Yesu Kristo mpe mpo na Molimo na Nzambe na biso.

1 Bakorinto 12:3 Mpo na oyo, nalingi boyeba solo ete motu moko te oyo Molimo na Nzambe azali kokamba akoki koloba: "Yesu azwa kotuka" Mpe motu moko te akoki koloba: "Yesu azali Mokonzi," soki Molimo Mosantu azali kokamba ye te.

2 Bakorinto 3:17 Mpamba te Mokonzi yango azali Molimo, mpe esika Molimo na Mokonzi azali kuna bosomi ezali.

2 Bakorinto 13:14(13) Ekoki ngolu na Mokonzi Yesu Kristo, bolingo na Nzambe mpe koyebana na Molimo Mosantu ezala na bino nyoso.

Bagalatia 4:6 Mpo na kotalisa ete bozali solo bana na ye, Nzambe atindaki Molimo na Mwana na ye kati na mitema na biso, Molimo azali konganga: "Aba," elingi koloba: "Tata na ngai!"

Baefeso 1:13,14 Bino lokola, ntango boyokaki maloba ya solo, bobele Nsango Malamu oyo epesaki bino kobikisa, bondimaki Kristo. Bongo Nzambe apesaki bino elembo na kotalisa bozali batu na ye, kopesa bino Molimo Mosantu oyo ye alakaki. 14 Molimo Mosantu azali etalisi na kobikisa oyo Nzambe asili kolaka na batu na ye lokola mosolo. Ye ayebisi biso na solo ete tokozwa mosolo yango ntango kobikisa na biso ekokokana. Bongo tosanjola nkembo na Nzambe!

Baefeso 2:18 Bongo ezali mpo na Kristo biso nyoso, Bayuda mpe batu oyo bazali Bayuda te, tokoki koya liboso na Nzambe mpe na lisungi na Molimo moko.

Baefeso 4:30 Boyokisa Molimo Mosantu na Nzambe mawa te. Mpo Molimo azali elembo Nzambe ati na nzoto na bino mpo na kotalisa bozali batu na Nzambe, Molimo azali elaka na kotalisa, na mokolo ekoya Nzambe akobikisa bino mobimba.

1 Batesalonike 4:8 Mpo na oyo, motu na kobwaka kolakisa oyo azali kobwaka motu te, kasi Nzambe oyo azali kopesa bino Molimo Mosantu na ye.

1 Batesalonike 5:19 Bokanga mosala na Molimo Mosantu te.

2 Batesalonike 2:13 Bandeko, ekoki topesa Nzambe mersi ntango nyoso na ntina na bino, bino oyo Mokonzi Yesu azali kolinga. Mpo Nzambe aponaki bino ete bozala batu na liboso na kozwa kobikisa na Molimo Mosantu oyo akumisi bino batu na Nzambe, mpe mpo na kondima na bino kati na likambo ya solo.

Tito 3:5,6 ye abikisaki biso. Ezalaki te mpo na misala malamu biso mpenza tosalaki, kasi mpo ye ayokelaki biso ngolu. Ye abikisaki biso mpo na kosukola na kobotama ya sika, mpo na bomoi ya sika Molimo Mosantu azali kopesa. 6 Mpamba te Nzambe asopaki Molimo Mosantu mingi likolo na biso mpo na Yesu Kristo Mobikisi na biso,

Baebere 2:4 Nzambe mpe atelemisaki litatoli na bango na bilembo na bikamwiseli mpe na ndenge nyoso na misala na nguya. Mpe ye akabolaki makabo na Molimo Mosantu lokola motema na ye elingi.

Baebere 10:15 Molimo Mosantu lokola alobi na biso. Bongo ye alobi na liboso nyoso:

1 Petero 1:2 Bosili koponama bobele lokola Nzambe Tata aponaki liboso mpe mpo na Molimo na ye, bosili kokuma batu na ye mpo na kotosa Yesu Kristo, mpe kozwa kopetolama mpo na makila na ye. Ekoki ngolu mpe kimia ezala na bino.

2 Petero 1:21 Mpo maloba na kosakola lokola nebi ekumaki mbala moko te na mokano na motu, kasi ezali mpo Molimo Mosantu akambaki bango, batu basololaki maloba kouta epai na Nzambe.

1 Yoane 4:2 Oyo ezali ndenge nini bokoki koyeba soki molimo yango auti na Nzambe, motu na koloba ete Yesu Kristo akumaki solo na nzoto ya motu, motu yango azali na Molimo oyo auti epai na Nzambe.

1 Yoane 5:7,8 Batemwe bazali misato; 8 Molimo, mai, mpe makila, mpe bango misato nyoso bayokani.

Yudi 1:20 Kasi bino, baninga na ngai, bosisanaka na liboso kati na kondima santu na bino. Bobondelaka na nguya na Molimo Mosantu.